

廣文書局
印行

史料
五編
甘寧青史略
(八)

慕壽祺著

趙元貞校
李炳

史料五編
甘寧青史略
(八)

廣文書局印行

拳匪自珍神勇
 足集大事
 然能固非
 人所即得
 林傳亦祇
 敵耳以之
 人密防身
 意則不可
 術亦不敵
 破亦不能
 身深為信
 最深以爲
 乘不敗者
 有入京兩
 軍入京兩
 自餘賢之
 特餘賢之

甘肅青史略卷二十六

清德宗 辛丑 光緒二十七年春正月詔按察使何福堃護理陝甘總督 以李廷蕭病卒故也或曰

廷蕭在山西按察任內附和毓賢蹤拳戕教既得毓賢正法之命特告毓賢毓賢曰死我分也如執事何廷蕭慮不免元旦仰藥死明日毓賢往弔仰天大笑曰我死分也君胡爲先我而死請小待當聚談於重泉之下

前山西巡撫毓賢在蘭州正法 自庚子五月以來拳匪倡亂開釁友邦地力蹂躪生民塗炭推原禍始皆毓賢有以釁之聚九州鐵鑄此大錯

太后以其忠也欲保全其首領已革職發往新疆旋因聯軍請嚴加懲辦復下諭云已革巡撫毓賢前在山東巡撫任內妄信拳匪邪術至令爲之掄揚以致諸大王臣受其煽惑及在山西巡撫任內復戕害教士教民多命尤屬昏謬凶殘罪魁禍首前已遣發新疆計行抵甘肅者傳旨即行正法並派按察使何福堃監視行刑此光緒二十六年十二月下旬事也當是時毓賢已抵蘭州寓省城水北門街八旗會館庚子除月除日午後李廷蕭邀食團年飯何福堃亦在座行在忽來急電李閱後即以實告毓賢聞正法之命毫無懼色請假以時日料理一切李商之何福堃定次年正月初六日行刑二十七年元旦日李廷蕭暴病而死初二日毓賢往弔哭之甚哀是日奉行在上諭着何福堃護理陝甘總督初三日毓賢同皋蘭進士黃毓麟往像館攝影留作紀念並購棺木三具蓄其一妻一妾決定殉節非毓賢而爲三矣蘭州紳民以其愚忠可憫與態度之從容紛紛上書請兩宮

收回成命護督恐滋生事變改初四日夜半行刑檄城守營參將田連考監視而毓賢不知也初四日自作晚聯兩副夜寫家書並爲友人書橫披正落款聞敲門聲甚急遣僕隔門問之云督標參將有公事面商毓賢曰具將殺我乎請少待於是書上下款親自蓋章其妻妾聞信卽乳藥死命僕將衣裙檢點齊全毓賢易朝服問刑場何在答以會館門首於馬輦躬而行僕隨於後抵刑場望北九叩首坐而就刑並無需人扶掖之事日本人所署拳匪餘聞謂毓賢就刑時甘肅按察使何福堃至什字街呼毓賢出武員舉刀斫之傷頸未殊毓賢連呼求速死其僕憐之助斷其項又謂毓賢聞命後面無人色大非在山東巡撫任內凶狂氣象死之前一日病愈及往刑場時係人扶掖而行按之當日實在情形不相符合

案太平野史李來中南人曾隸屬洪秀全部忠王李秀成麾下秀成敗來中涕泣呼號誓必復仇秀成慰之曰爾大好男兒毋自戕今日已矣度一二人力亦不能支爾往徒速斃耳余觀滿清氣運亦不越數十年爾果有志當自重爲後來計也來中受命遂投入山東白蓮教埋匿三十餘年毓賢撫山東獎勵拳勇來中乃詭投以扶清滅洋之說毓賢納之由是勢大熾及聯軍破天津南人有識來中者私叩之曰今八國聯兵攻京若以兵力比例彼勝我當百倍而曰滅洋洋何能滅曰扶清清焉能扶適自亡其國而已來中曰余何嘗不知惟余蓄志報仇已三十年今幸得間豈敢失此好機會余所以辛苦來此者求復仇已耳成敗非所計也然則李來中者其亦致力於國民革命者歟

慕壽祺曰毓賢縱容拳匪仇殺教民其罪固不容誅其軼事蘭州人時能言

之當受刑時毓賢顏色不少變補衣冠謝恩訖視其妻與妾乳藥死將出復謂僕某曰客臘某以紙索書吾既許之言不可曠也和墨伸紙作行書監視行刑官田連考聞之怒詈其畏死毓賢笑曰吾豈畏死哉乃猶氣靜神恬落筆不苟書既竟加印章始出就刑其態度從容處處與黃石齋先生正命時相似惜質美而學未至耳

附錄清廷未究罪魁十七人名單

庚子聊軍入京兩宮西狩後慶親王與李鴻章在京與各國公使議和各國首提出索辦罪魁名單其第一次所提出者爲端王載漪等二十餘人皆一時之勢位赫弈者如徐桐剛毅趙舒翹毓賢等固世人所咸知也至辛丑年春復提出第二次索辦罪魁名單則其後迭經李相磋商百計保全其人或

得倖免事後幾無人復知者劉子嘉侍郎在李相邸獲見原開名單一紙其罪狀姓名官職照錄如左一兵部侍郎貽穀因僞傳上諭致盛京都統晉昌與俄人開仗一軍機處章京連文冲因僞傳上諭命華兵攻擊天津租界並圍攻北京使館一內閣學士蕭榮爵曾助連文冲妄擬僞諭一內閣學士高廣恩與徐桐聯爲一氣一候補知府黃鳴岐曾充義和團老師一吏部主事洪嘉璜曾勸端王登九五之位及焚燒使館教室一刑部主事夏振武曾助洪嘉璜爲惡一溥良曾上摺請殺許景澄等一內閣學士檀璣曾助溥良爲惡一湖北候補道黃嗣東因請于蔭霖攻殺漢口之洋人一內閣學士胡祖蔭俞鴻慶二人曾帶領拳匪頭目二十餘名至湖南擬攻劫岳州租界一刑部主事郭宗照吏部主事葉德輝等曾助胡祖慶爲惡一候補道張祖同學

士孔憲教等曾助胡祖蔭爲惡以上各員以貽穀連文冲二人爲罪魁此罪

員單中計共十七人

三月隴東大饑

二十六年冬無雪是年春又不雨隴東饑荒之餘疫厲大作死者相枕籍貧家小戶無炊煙往往夫婦對縊室如縣磬亦無人掩埋其生者各自

謀生父鬻其子夫離其妻哭聲震野耳不忍聞

案文王世子公族有死罪則磬於甸人註謂磬縣縊殺之也是卽前清之賜帛耳左傳室如縣磬謂年荒乏食一家餓死其室竟如縣磬之室矣蓋縣縊而死有如樂器之在縣也今言家貧者皆用室如縣磬似誤

夏五月鎮原縣知縣汪宗瀚請假公款貳千兩以賑饑民省政府許之

去歲夏秋兩季

鎮原顆粒無收適拳匪釀禍聯軍入京兩宮倉皇西狩大吏未便請賑令地方自行設法而本年春又不雨以致糧價踊貴比戶枵腹救濟單屢民無所得食餓殍滿道鴻雁哀鳴貢生包中廉商同知縣汪宗瀚借公款銀貳千兩倉糧肆千石又借江南義賑銀叁千兩分散饑民後數年大吏催還前借庫款中廉又請於知縣張文泉詳請豁免經總督崧蕃

據情入告從之

慕壽祺曰語之公款絲毫爲重斯言洵不虛哉鎮原借公款銀兩賑濟災黎是年五六月間麥秋至蚩蚩者氓飲水思源一線生機未始非公款有以救之也旋奉政府嚴令如數繳還賴大吏奏請豁免幸沐允從否則有賣兒鬻女以償者矣今之鯨吞虎噬搜公款至數十萬元之多而政府置若罔聞豈今昔情形有不詞歟

秋七月布政使何福堃禁止官眷進署

自秦晉賑捐開後州縣報到者紛至沓來僧多粥少宦途擁擠圖一差使亦甚不易於是

大行運動令內眷出入藩署一串牟尼親挂於老大人之頸矣蘭州地小佳

話流傳竹枝詞到處歌唱福堃聞之深以爲恥禁止州縣內眷出入衙署

案差使二字見於嘉話錄唐盧杞爲相令隴西李揆入蕃揆對德宗曰臣不憚遠使恐死

道路不達君命德宗惻然免之謂盧相曰李揆暮老則擇一人杞曰和戎之使須諳練朝

廷事非揆不可且使揆去向後差使小於揆年者不敢辭遠使矣揆既至蕃蕃長問唐

家有一第一人李揆公是否揆曰非也他那箇李揆爭肯到此恐其拘留以此誣之也

老大人之稱始於明先是府衛州縣佐貳首領官見通判以上皆稱老爺與奴僕無異萬

歷間濟南歲貢生王之瀚選主簿見上官一呼老爺遽感心疾見人輒曰孝子慈孫百世

不改也竟死趙州選貢宋弘業選州同知上疏求與州縣正官俱稱上官爲大人奉旨下

部准通行弘業見巡撫遂稱老大人巡撫怒而答之十五憤恚病死見家宰趙南星疏中

清未蘭州市竹枝詞都三十餘首無名氏所作中有一絕云三字花箋韓秀英西臺初見

女門生春風委曲花無賴從此安康定享榮又云朝朝暮暮殷勤甚燕燕鶯鶯上下忙人

蘭州莊嚴寺舊
甘肅巡撫某大
老翁德政初
稱謂何如此其
也

蓋使二字之出
高妙在李揆是
甘肅人

竹枝詞何知
有其人作
明之最詳
耳特不背

樣不如花樣好而今還有
大娘王餘已不復記憶矣

冬十月蘭山道黃雲兼辦秦晉賑捐事務

時秦晉及甘肅平慶涇等處大饑開秦晉賑捐款照二成上兌知縣壹千貳百餘

兩通判柒百餘兩從九銜捌兩有零甘肅富家子弟但能請安站班即可出膺百里並有股分公司蓋兩人合捐一知縣約定將來到任後官冊無名者經管地丁錢糧於是外省來甘稟到者甘人赴鄰省候補者冠蓋往來不絕於途中國吏材於斯爲盛而人民則不堪其苦矣

案禮記曰爵不瀆而民作愿左傳曰爵不踰德又曰惟名與器不可假人王

嘉曰王者代天爵人尤宜謹之前清末葉捐納之例大開統縉子弟市井商賈擁貲而得高官豪傑甯不聞而解體乎况其未官也既以財而得官其既官也必以官而營財探券取償不至於誅求剝取不止也夫州縣爲親民之官竟有目不識丁者而亦出膺民社一路之哭其能免乎

自捐納之途開一時彈冠出仕者非盡長袖善舞也或集衆人之資以圖三

倍之利馴致流品混雜涇渭不分勢豪策名仕版藉爲護符革員巧獵升階專爲牟利一旦夤緣得缺竟敢靡惡不爲縱百萬虎狼於山林而禁其不噬人天下有是理乎西人來華者觀於吏治之壞民生之蠹卽無國民革命而清室已動搖矣以此遂爲秦東西所訾議豈知庫帑空虛何國蔑有錢穀得官中外所同西歷五百六十五年東羅馬已有納貲拜官之例

十二月署靈州知州程必達卒於任所妾楊氏

通渭縣人

死之

必達以病歿甯夏道檄甯靈廳同知方仰歐兼

代方接篆之次日聞楊吞金死謂其幕賓曰青蛾之於趙嘏段東美之於薛宜僚皆一慟而死國初柳如是爲錢牧齋殉皆妓也今又見楊氏之死可謂節矣漢蔡文姬陳樂昌公主相達地下能不汗顏

寅王二十八年夏四月秦州州署吏胥二百餘人同時投入天主教

秦州糧石比他縣較多房班舞

弊亦最甚歷任相沿無人舉發至是在籍中書任承允舉人白映震等欲爲人民減輕負擔乃和盤托出控於州署時直隸州州牧李瑞澈亦廉潔自好閱呈詞以任承允領銜知

州縣病卒本可
不爲喪章楊
氏索迷及之此
之謂夫以妾傳

李瑞誠爲地方
除弊而操之過
器其不釀成教
案者亦幸矣

離人稱我曰曹
教者曹字之轉
音也秦州人
如此說作者都
此一舉口將筆
肖從明更張綵
傅脫胎而來

其爲正人君子遂坐大堂傳六房經承三班總役擲呈詞令自閱房班面無人色叩頭認
罪願赦既往勉爲好人李瑞激不允限十日內將歷年浮收糧款如數交出否則籠斃房
班大恐蓋事隔多年金錢到手已揮霍殆盡一旦賠償實咄嗟難辦莫謀抵制之法有人
懷臂而言曰當今之世朝廷怕洋人教州裏東關有天主堂借神甫勢力可爲護身符或
謂如此亦救急之一法但洋奴二字恐爲鄉黨所不齒三班總頭起而笑曰火燒眉毛大
禍在眼前！日限期一到命且不保復何名譽之顧惜僉曰善遂同時入天主教教堂懸
旗慶賀李瑞激以教堂袒護罪人將用正式公文與之理論羣秦階道恐惹起交涉電達
省城總督樞蕃撤李瑞激任另檄幹員繼任將紳士嚴加申斥浮收糧款事屬既往概不
追究入教房班二百餘人函商教堂送回州署以便辦公無形中退出教籍

案教務紀略云基督教創自猶太人耶穌基督耶穌皆譯言救主耶穌之生
當中國漢哀帝建平三年其教本摩西十誡以敬天愛人爲宗旨以拜禱互
助爲功夫以超生天國爲究竟其派大別有三一曰西教卽羅馬天主教爲
耶穌大弟子彼得所傳今法蘭西諸國奉之一曰東教卽希臘教爲耶穌弟
子保羅所傳今俄羅斯諸國奉之一曰修理正教亦曰復原教辯駁教明武

宗時日耳曼人路得所創路得憤天主教王干預國政繫赦罪符取金幣乃
創改革宗派凡天主教拜偶像禁嫁娶以及教士之稱禮拜之儀一切矯正
其中又分東盈黎甲爾文二派甲爾文箸書曰耶穌教制東盈黎與路得派
宗旨相同惟晚禱用酒食異耳是時各教分爭殺戮最慘至一千六百四十
八年德瑞法諸國會盟於威司發里許各教並行教禍甫弭然各派雖異敬
天拜耶穌則同其在中國統稱基督教

慕壽祺曰余閱清嘉慶時禹城縣志其藝文內載澤川韓氏一村全奉西洋
教夫一村之衆賢愚不齊有先入而得教堂利益者有苦勸而後隨聲附和
者久之則全數脫離中國國民籍矣從未有二三百人同時投入教堂者有
之則自秦州始雖然入教易出教難既入而又聽其出焉官吏之調停教堂

當三聖公關教
案時龍占海號
於乘曰吾激於
義憤而爲此縱
令所吞頭去頸
上只一穴耳決
不令李代桃僵
也及張作霖飛
上天禍首龍已

之尤許相得益彰矣

冬十一月平羅三聖公教案結束

三聖公屬甯夏平羅縣與後套連界俗所呼爲三道河子者也其地有法國教堂教民爲爭渠水與民衆

鬪民衆弱不能支時有龍占海者素習拳勇以教民欺壓良善代鳴不平當場毆斃一人法政府向北京總理各國事務衙門交涉奉上諭著陝甘總督崧蕃查辦總督遣道員張作楫前往酌辦作楫曾充出使美國大臣隨員總督以其知洋務也器重焉正凶龍占海在逃未獲殺平羅百姓七人教堂猶以爲未足大索賠款再四磋商賠銀四萬兩以地作抵案結

幕壽祺曰中國自甲午之敗國勢蹙危智無能謀勇不足戰將帥爲反噬之犬風憲爲不捕之貓於斯之時下焉者持尊攘之說以仇洋爲忠憤上焉者援懷柔之義以媚外爲政策邊疆蚩蚩者氓不知甲午賠款之輸於東鄰也又見中國官吏之紛紛媚外常思有以報之平羅教堂神甫袒護教民欺平民太甚民衆遂爲仇洋之舉卒之殺七人賠款四萬兩甯夏一時無款可籌

將軍割平羅荒地一片以作賠款喪失主權恥莫大焉而將軍猶自以爲得計曰地固在甘肅境也外國人豈能攜至海外耶嗚呼何其愚哉

癸卯

二十九年夏四月英人斯垣因盜取敦煌千佛洞石室書庫所藏各物

敦煌縣城

東南四十里俗號千佛洞洞南北俱深溝草木森茂東傍黑水餘波出山漸流入沙其水頓沒西傍陡崖高二十餘丈大小各洞層疊鱗列計三百四十二座洞內牆壁畫像奚翅萬千山口無名破洞尙以百數其間飛橋天梯足音罕到光緒二十八年崖半壁間忽裂出小洞一窟內藏番漢經典數萬卷小銅佛百餘紗絹另繪千手千眼佛像或張掛壁間或堆積石上旁懸寶幡甚多更有藏書處自六朝以至後五代皆人間未見之書一語文大部分是中文又有藏文古文梵文回鶻文開突厥文叙利亞文粟特文西夏文二宗教舉其關於道教者有老子化胡經太玄真一本際經太上大道玉清經元始无量度人上品妙經太上業報因緣經太上濟衆經太上靈寶沐浴身心經无上祕要等及其他道經殘卷其關於景教者有志玄安樂經宣元志本經景教三威蒙度讚其關於摩尼教者有中文摩尼經殘卷三美術約可分爲建築雕塑壁畫畫像西種四經學有未改字之古文尙書孔氏傳糜信所著春秋穀梁傳解釋鄭玄所注論語五史學有孔衍之春秋後語失名之晉紀六地誌有唐西州沙州圖經慧超往五天竺國傳七文字學有陸法言之切韻陸德明未改字之尙文釋文以及小說詩集不可勝舉敦煌人視爲公共物無人敢取片紙斯垣因氏攜帶翻譯蔣孝琬由法國到千佛寺與王道士密祕交涉用白金毛詩一部買

去二十四大箱寫本書籍又買圖畫繡品裝五大箱運往倫敦博物館於是敦煌石室發見之古物乃宣傳於世界各國而斯坦因之姓名遂在近代考古文學史上占一最重要之位

前甘肅學政葉昌熾語石所載敦煌縣千佛洞卽古之莫高窟也洞扉封以丸泥十餘年前土壁傾陷豁然開朗始顯於世中藏碑版經像甚夥楚北汪栗菴大令宗瀚以名進士作宰此邦助余搜討先後寄貽宋乾德六年水月觀音畫像寫經卷子本梵葉本各二筆畫古拙確爲唐經生體又曹君置沙州石室文字記光緒戊申同年陸季良示余甘肅敦煌縣令汪宗瀚所遺後唐天成四年己丑歲五月二十九日樊宜信造藥師琉璃光如來像絹本長三尺許筆意古拙彩色鮮明其所題記文皆右行蓋千佛巖莫高窟物也甯鄉鍾彤濛使肅紀程洋洋數十言以紀敦煌千佛洞石室書庫事甚詳茲

擇其大旨如下清光緒二十五年六月敦煌千佛洞門口所填沙石年久自崩道人因而掘之得石室焉內藏書甚多皆抄本也讀之則目所未覩因稱爲瑯環福地欲往遊而未果民國十二年八月二十日卽癸亥七月初九日晴午後二鐘驅車出敦煌南門往遊千佛洞同遊三人縣令陸君恩泰彭君鍾秀等過下永豐渠又過上永豐渠二渠皆自黨河上游引來下渠長二十二里上渠則長四十六里時則猶未至千佛洞也而山頭霧斂如欲迎人洞口雲飛如開笑靨昔人有登山聞呼萬歲者三茲如有言必爲歡迎也無疑千佛洞之名本專以名諸佛洞者今則山亦以此名省志縣志所載皆同山高而平鑿佛洞處壁立刀截而長約二里餘遠望如蜂窩密集而門則爲長方形與蜂窩異又如燕巢高懸而洞則豎列三層與燕巢異求其比擬形似

其惟今之三層洋式樓房乎時天已昏黑遂息於洞西第一佛寺寺無僧有王姓道人居之寺壁有唐大中碑審視其文係張義潮以瓜沙州歸唐寺僧因立碑刻大中五年五月二十一日勅文寺廡下復有臥碑長約三尺餘就視則元莫高窟碑也蓋元至八年戊子五月十五日功德主速來蠻西甯王及妃子屈木造像龕余得此碑不知窟之所在以詢人無知者次晨遊石庫藏書處所有古書已被匈牙利人斯坦因博士及法人伯希和輦歸其國乃觀四壁所畫據羅振玉鳴沙石室祕錄謂據法人開希和言壁畫皆有年月最古者爲東魏余歷遊一百餘洞未見有題年月者既推定建寺始晉時則壁畫時代亦當定自晉始今試分三期一顏色最黯淡者爲第一期當是晉魏時畫一介乎黯與明之間者爲第二期當是李唐時畫一色彩較鮮明者